




ИВАН ВАСЬ



**ИЫЛЫСЬ
СЬЫЛӨМ**

0134.895-61

КОМИГИЗ 1939



894.5-1=94.5

ИВАН ВАСЬ

1948 г.

ШУД ЙЫЛЫСЬ СЫЛӨМ

СТИХОТВОРЕНИЕЯС

НАУЧНАЯ БИБЛИОТЕКА
ТАТРЕСПУБЛИКИ
ТАТАРСТАНА
КӨТЕРҮК

0134.895-6,

КОМИ ГОСУДАРСТВЕННОЙ ИЗДАТЕЛЬСТВО

СЫКТЫВКАР — 1939

ИВАН ВАСЬ (В. ЕЛЬКИН)
ПЕСНЬ О СЧАСТЬИ

Стихотворения

Отв. редактор Д. Конюхов.
Техред. М. Шестаков. Об-
ложка худ. В. Полякова.
Издание № 65. Уполном.
Главлита № 1330. Заказ
№ 627. Тираж 2500 экз.
Формат бумаги 60×92¹/₃₂.
Печатных листов 2. Учетно-
автор. листов 1,9. Сдано в
производство 29/III-39. Под-
писано к печати 21/IV-39 г.

Типография им. XVIII съезда
ВКП(б) НКМП Коми АССР,
г. Сыктывкар, Дом печати.

Иван Вась (Василий Иванович Елькин) гижны заводитчис важбюккодь нин, 1929 воясын, кор на сійö вöли детинкаон. 1929—1930 воясö газетъясын да „Ордым“ журналын сълөн печатайтсылысны некымын ичöтик висът да стихотворениеяс. Но тайö гижöдъясыс сълөн вöлины сöмын на перö видлöмөн. Сылысь кымынкö висът печатайтöма и та бöрын, но найö сідз жö эз адзыны аслыныс тöдчана места.

1934—1935 воясö Иван Вась дзоньнас вуджис стихотворной жанр вылö: та бöрын сълөн прозаической художественной произведөниеяс эз нин печатайтсывыны. И, колö шуны, коми художественной литератураын ассыс местасö сійö адзис кызди поэт. Көть и сійö воясö сетис сöмын кымынкö стихотворение, но тайö стихотворениеясыс ас динаныс кыскисны нин лыддысьлысь вниманьесö.

Ёнджыкасö Иван Васьлөн творчествоыс паськалö бöрря кык-куим воясö, Красной Армияын служитигөн да сэтись воём бöрын. И тайö не прöста. Красной Армия томйöзöс воспитайтö; Красной Армия кыпöдö мян томйöзлысь идейно-политической да общей уровеньсö. Буретш та вöсна и Иван Васьлөн первой бурджык, идея да искусство боксянь тöдчанаджык стихотворениеяс йитчöмабсь красноармейской тематикакөд: сійö петкөдлö Красной Армиялысь величиесö, ёнлунсö, дисциплинированностьсö, мужествосö.

Миян странааса уджалысь йöз радейтöны ассыныс

рөднөй армияс. Крaснөй Армиясө веськaлөм, боец-гражданиннылысь почётнөй обязанность ас вылө примитөм—миян томйөзлөн мечта, и сы вöсна армияд мунигөн налөн „чеччалө сьөлөм“, асьнысө зумыда кылöны, „любöла вомтырөн“ сьылöны, муниöны видзны мияннылысь великөй рөдинас, мияннылысь священнөй границаяс. Тайс Иван Васьлөн кужөмөн петкөдлөма нöшта 1934 воын на гижөм „Мем долыд“ стихотворениеын.

Крaснөй Армия тематика вылө Иван Васьлөн гижөма дас кымын гырыся-посниа стихотворение, кодьяс пиысь тайс сборникө пырöны джын дорсыс не унджыкыс. „Кык серам“, „Ме сэн“, „Войся тыш“ да мукөд сэтшөм стихотворениеясын гөгөрвоанаа, бура сетөма, кутшөм преданностьөн миян боецьяс видзöны мирнөй удж нуысь социалистическөй рөдиналысь вежтасьяссө, кутшөм чорыда, торйөдны позьтөма киö чабыртöны муса винтовкасө да сьөлөмсянь кöсйысьöны:

Тиянлы ассиянь сета ме кыв:

— Горизонт таласө чорыда дорья!

И таысь крaснөй боецьясөс мирнөй йөзөн радейтөмсө Иван Вась кужөмөн, небыдик лирика пыр петкөдлө „Гөстын“, „Плетень дорын“ да мукөд стихотворениеясын.

Иван Вась творчествоын унджык стихотворение пырыс төдчана визьөн муно кокныдик, небыдик, кыпыд лирика, и тайс лирикаыс сочетайтчө социалистическөй могьяскөд, мый эм зев колана да положительнөй момент. Ныла-зонма кост отношенияс, любовь сидзи жö сетсьöны социалистическөй удж подувылын.

Бөрья кадö Иван Вась гижөдьяслөн тематикаыс паськалис. Крaснөй Армия йылысь да мирнөй колхознөй удж йылысь сьылөмкөд тшöтш сийö заводитис сывны Советскөй Союза народьяслөн дружба йылысь,

Сталинской Конституция величие йылысь, миян радейтана учитель, друг да бать великой Сталин йылысь, сы динь став уджалысь йозлон помтом радейтом йылысь; Китайса да Испанияса геройяс йылысь, народлон врагьяс динь миритчымон лоны колон йылысь да с. в.

„Шуда му“ стихотворениеын Иван Вась правдивоя петкодло асланыс родина динь Советской Союза уджалысь йозлысь, подлинной советской патриотьяслысь вовлытом пося относитчомсо, поэт правдивоя восклицайтё: „О, шуда му! Тэ, родинай менам!.. помтог, помтог кутли эськё тэно“... Ас пельпом сайысь кылё борд, косьё лэбзыны сэтчё, „көн оло медся ыджыд морт“ да шуны сылы: „Примит, ыджыд айё,—веж парма шорысь, ыл муысь тэд ме ыджыд-ыджыд аттьё татчё вайи и большевистской биа-пось привет!“ да такод тшотш народ ассыс вождысь уверяйтё, мый найё „ставон дасьось боръя косьё мунны“.

„Сыланкыв“ стихотворениеын автор сьылё Совет муын гажа олом йылысь, вынйора йоз йылысь, сьурсыда збой стахановецьяс йылысь, сийё страна йылысь:

„Көн выйим партия,
Код калитчёма стальон,
Код гогөр войтыр топодоны рад,
Ме сыла сы йылысь, көн радейтана Сталин
Удж вочысь йозлы сетис шуда кад“.

„Мыла горон“ стихотворениеын Иван Вась кужомон перечисляйтё, мый миян кылё ыджыд вынён юргысь сыланкывьясын. Миян йоз сьылоны Совет вöсна бойяс йылысь, великой Октябрь йылысь, миян могучой Красной Армия йылысь, миян геройяс йылысь, миян шуда олом йылысь и сы йылысь, коді сетис тайё шуда, гажа оломсо:

„Сылаанкывийн—
Радейтана Сталин,
Став народлөн
Вождь и ыджыд ай“.

Иван Васьлөн аслас гижөдьясын төдчө идея и художество боксянь быдмөм. Сэтшөм гижөдьясын, кыдзи „Шуда му“, „Мыла горбн“, „Казьтылөм „Гөстьин“, „Кык серам“ да „Плетень дорын“, төдчө нин мастерлөн киподтуй.

Иван Вась стихотворениеяссө гижалө прөстой гөгбрвоана кывйөн, та вөсна найө доступнойөсь быд рядөвөй лыддысьлы.

Художественной средствояс боксянь гижөдьяс абу нин нач жебөсь.

Сэтшөм гижөдьясын, кыдзи „Казьтылөм“-ын да мукөд стихотворениеясын, автор сетө мөдджык нога рифмовка, и тайөн гижөдыс выигрываютө; сідзкө, көлө и водзө озырмөдны стих тэчан техникассө, рифмовка формаяссө. Бөръяджык гижөдьясын кызвыннас мездьыс нин сийө схематизмсыс, коді вөлі „Шуштөм кад“ да өткымын мукөд стихотворениеясын.

Иван Вась гижөдьяслөн характернойтор—збой революционной пафос, вылын патриотической чувство, Ленин—Сталин партия делөлы преданность.

Як: Рочев.

* *

*

Кор миян весьтын
Шонді зарни койё,
Кор пуксис тані
Шуда оландыр,—
Ме босьтєся сьывны
Кыпыда и збоя,
Мед чужан муёд
Лэбзяс сійё пыр.

Мед йёла шыён
Юргас менам лира
Сук парма пёвсёд
Сы йылысь быд здук,
Народъяс кодёс
Ошкёны став мирас,
Виль мирлы коді
Велёдысь и друг.

Мед менам сьылём
Кывтас муяс вомён,

Кӧн зарни розйӧн
Кисьмӧ вына сю.
Мед олас сийӧ
Мичаӧн да томӧн,
Кыз том да мича
Став сӧветскӧй му.

Ме бӧрся медым
Сылас вына горӧн
И кар, и сикт,
И миян вежтас дор,
И гырысь ӧдӧн
Уджъяс вӧчӧм сорӧн
Мед сылас быдӧн—
Верстьӧ йӧз и дзор.

СЫЛАНКЫВ

Ме сыла сы йылысь,
Көн дзордзалё пыр тулыс,
Көн енеж шёрсянь
Шонді саякйё луч,
Ме сыла сы йылысь,
Көн ыджыд стройба гулыс
Выль йёлёгаён
Юргыны оз мудз;

Көн йёзыс вынйёра
И серамбана, мича,
Көн збоя водзлань
Видзёдёны пыр,
И ыджыд босьтсьёмыс
Көн некор нин оз личав,
Көн морёс пытшкёс
Кёсийсьёмён тыр;

Көн повтём орёлён
Йёз лэбалёны вылын,

Кыт некор мунны
Пётка на эз писът,
И зумыд вынйөрөн
Көн Арктикаын, ылын,
Йи море пөвсөд
Восьтисны туйвизь;

Көн өдьяс содтигөн
Смел Кривонос, Стаханов
Не сёөн—сюрсөн
Чужо, быдмо выль,
Көн налысь уджсө
Важ мир оз нин пановт,
Көн мойданкывйысь
Артмо налөн збыль;

Көн выйим партия,
Код калитчёма стальён,
Код гөгөр войтыр
Топөдённы рад,
Ме сыла сы йылысь,
Көн радейтана Сталин
Удж вочысь йөзлы
Сетис шуда кад.

МЫЛА ГОРӨН

Мыла горөн
Ворсө ён бандура,
Лэбзьё песня
Шуда муяс выв.
Вына йёла
Юрөбтё Амурын,
Көдзыд полюс
Кывзё вына кыв.

Тайё гөлөс —
Томйёзлөн победа,
Тайё сьылөм —
Комсомоллөн гимн.
Водзё вылө
Вынйөр сийё сетө,
Сийё пасйө
Уна славной ним.

Сьыланкывйын —
Совет вөсна бойяс;

Сыланкывйын—
Славитсьо Октябрь;
Фронтъяс вылын
Томиник геройяс,
Кодъяс водзын
Бёрыньтчис пыр враг.

Сыланкывйын—
Доблесть да отвага
Повтём йёзлөн
Восьтис шуда кад;
Вына войтыр
Гырысь, зумыд шагён
Веськыд туйёд
Мунё радысь-рад.

Сыланкывйын—
Фабрикъяс, колхозъяс,
Гажа томлун,
Шуда оландыр,
Тувсов садйын
Дзоридзалысь розъяс,
Гырысь плодъяс
Быдмёны кён тыр.

Сыланкывйын—
Мирсё шемёс колис
Чужан мулён

Вынйора размах.
Сыланкывйын —
Восьтис коді полюс,
Коді сэтчѳ
Сутшкис алѳй флаг.

Сыланкывйын —
Косьяс вылѳ збой йѳз —
Асыввылын
Миян вернѳй страж;
Вына йѳзлѳн
Мужественнѳй чойяс —
„Рѳдиналѳн“
Славнѳй экипаж.

Сыланкывйын —
Броняѳн да стальѳн
Коді дорѳ
Шуда, вѳльнѳй край.
Сыланкывйын —
Радейтана Сталин,
Став народлѳн
Вождь и ыджыд ай.

ОТЧИЗНА МИЯН

Отчизна миян,
Паськыд вольной край!
Народъяс тенад—
Шуда, мезмом пиян.
На весьтын шонді,
Му вылын сэзь май,
И ставлөн съёлём
Ыпйö гажа биён.

Великöй книга—
Сталинскöй Закон,
Народлы кöні
Сетсьö гырысь права,
Ки вылас нуиг,
Пöрысь йöз и том
Великöй вождьлы
Сиö ыджыд слава.

Народъяс миян:
Роч, грузин, карел,
Таджик, башкир,

И белорусс, и коми,—
Став йӧзыс тайӧ
Калитчӧм да смел,
И партиялы
Преданной дзик помӧдз.

Народъяс пӧвсын
Братской коми йӧз,
Код муын кисьмӧ]
Шуда, гажа олӧм,
Кӧн некод сӧсса
Бӧр оз мырдды мез,
Народъяс вождьлы
Ыстӧ биа чолӧм.

Яг шӧрын ӧнӧ
Дзоридзалӧ цвет,
И сыланкывйыс
Юргӧ танӧ уна.
Верховной талун
Чукӧртчис Сӧвет,
Народлысь вӧля
Олӧмӧ мед нуны.

Рабочой, техник—
Быд кийн мандат,
Колхозник, слесарь—
Ӧтлаынӧсь ставӧн,
А найӧ пӧвсын

Первой депутат
Став коми йӧзлӧн—
Радейтана Сталин!

Вынйӧра йӧзлӧн
Нерушимӧй блок,
Тыш нуиг кодӧ
Шедӧдӧ победа,
Сы водзӧ пунктӧм
Медся сьӧкыд мог
Век пӧртас сійӧ,
Вермысьӧн век петас.

Презреннӧй врагъяс
Кыпӧдӧны грӧз,
Но сылы паныд
Сувтамӧй ми ставӧн.
Став падмӧг налысь
Венас миян йӧз,
И гажа муын
Нӧшта лоас гажа.

Отчизна миян,
Паськыд вӧльнӧй край!
Народъяс тэнад—
Шуда, мезмӧм пиян.
На весьтын шондӧ,
Му вылын сэзь май,
И ставлӧн сьӧлӧм
Ыпйӧ гажа биӧн.

ШУДА МУ

О, шуда му!
Тэ, рōдинай менам!
Кор судзис эськō
Менам дзоля сыв,
Сэк помтōг, помтōг
Кутлі эськō тэнō,
Кыдз рōднōй мамсō
Кутлō рōднōй ныв.

Мем тэын ставыс
Радейтана, муса:
И гажа вōр,
И тэнад вына йōз,
И зарни шонді,
Шонтō коді мусō,
И миян весьтын
Сынōд кельылōз.

Мем муса тани
Зарниасян муяс,

0134.895-61

Кыз зонлы муса
Радейтана ныв;
И тувсов кадын
Вөрөн тырём юяс,
И сәні юргысь
Мыла сьыланкыв.

Ме пытшкын сьөлөм
Ыпъялөмөн чеччө,
Ас пельпом сайысь
Кыла вына борд;
Збой варыш моза
Лэбзя, лэбзя сэтчө,
Көн олө миян
Медся ыджыд морт.

И шуа сылы:
Примит, ыджыд айө,—
Веж парма шөрысь,
Ылі муысь тэд
Ме ыджыд, ыджыд
Аттьө татчө вайи
И большевистскөй
Биа-пөсь привет!

И войтыр миян
Тшөктис нөшта шуны,
Мый вөрөг сійөс

Виччысьтӧг оз сӹ,
Мый ставӧн дасьӧсь
Бӧръя тышӧ мунны,
Мед сюся видзны
Шуда, гажа му.

А ыджыд айӧ
Воча меным шуас
Выль вермӧм вылӧ
Сьӧлӧм сетан кыв,
И зӱля сийӧс
Парма йӧзлы нуа,
А ачым пана
Гажа сьыланкыв:

О, шуда му!
Тэ, рӧдинаӧй менам!
Кор судзис эськӧ
Менам дзоля сыв,
Сэк помтӧг, помтӧг
Кутлі эськӧ тэнӧ,
Кыз рӧднӧй мамсӧ
Кутлӧ рӧднӧй ныв.

ВЕЛИКОЙ ЛУН

Көн асья кадын
Зарниасян кыа
Му вылө югөр
Сявкйө ассьыс пыр,
Көн вөръяс сайысь,
Лэбач сьылөм шыö,
Ярьюгьд шондi
Петö ломдзигтыр

И нюмъялөмөн
Енэж шөрö кайö,
И чожа шонтö
Ю и вөр и луд,
И көнi сьөрсьыс
Йöзлы сийö вайö
Сьöd войыс бöрын
Югьдлун да шуд,—

Сэн талун ставыс
Пасьтасьöма мича:

И паськыд ыб,
И рас, и помтөм вөр,
И гажа төвлы
Сёрни ассъыс видзө
Сэн уна цветөн
Дзоридзалысь йөр.

И сәні йөзыс
Нюмъялө и гордөй,
И ыджыд көсйөм
Сын талун тыр,
Сэн мөда-мөдсө
Быдөн шуө ёртөн,
Сэн өти мөвпөн
Быдөн олө пыр.

И улич вылын
Муно өти радын
Став йөзыс талун
Вынйөра и ён,
И быдөн нуө
Сьөлөм дінас матын
Став йөзлы дона
Сталинскөй Закоң.

И юргө сьылөм
Му вылын и вөрын,
Кызд аслас муын

Мужественной йёз
Ён тышын перйис,
Шуштём олём бёрын,
Бөр сеттём вылө
Аслыс ыджыд мез;

Кыз өтүв уджын
Перйис сийё слава,
И водзё сийёс
Содтё унапёв,
Кыз быдён аддзис
Аслыс гырысь права,
Мый мушар вылын
Некор на эз вёв;

Кыз пёрысь войтыр
Лои сэни томён,
Кыз кисьмё-быдмё
Шуда зон и ныв,
И сийё шудсьыс
Ыбъяс, юяс вомён
Кыз вождьлы лэбзьё
Аттё шуан кыв.

ГЕРОЙЯСЛЫ

Войвывсянь тэныд, йӧз-герой,
Испанскӧй войтыр, повтӧм сьӧлӧм,
Ми ыстам биӧн ыпьян чолӧм,
Класс кузя тӧян вок да чой.

Кӧть лэптис тӧян вылӧ кось
Сьӧд кырныш чукӧр—фашизм свора,
Ми став мир пасьта шуам гора:
—Испанскӧй му сийӧ оз босьт!

Не босьтны сылы кар Мадрид!
Не мырддыны сылы свобода!
Весьшӧрӧ кӧдзӧ муыв пода
Мез муӧ пуля да иприт.

Кор тӧян киньд кутӧ меч,
Кор тышкасяд кыз збой Хасинта *,

* Хасинта Перес Альварес—томиник ныв-боец, кодӧ мятеж заводитчӧмсянь тышкасис „стальной колонна“ радьясын мятежникъяслы паньд да геройскӧя кулӧ фашистъяс ӧти атака дырйи.

Сэк код нӧ вермӧмъястӧ чинтас?
Сэк кодлӧн венас нӧ картечь?

И тӱян радын Хелиос *
Оз ӧтнас восьлав,—найӧ сюрсӧн;
Том войтыр вылын кутӧ юрсӧ,—
Грӧз водзын некор бӧр оз кос.

Ми тӧдам, дона кутшӧм мез,
И кызди сьӧлӧм тӱян пуӧ,
Кызд беззаветной тышӧ нуӧ
Хозе Диас да Долорес.

Вай тувтчӧй водзлань, сӱдзкӧ, тӱ
И тӧдӧй: пыр ми лоам тӱкӧд;
Тӱ ньӧтчӱд онӧ воӧй пикӧ,—
Пыр лоӧ отсӧг сетысь ки.

Зэв матын локтӧ сӱйӧ час,
Кор кырныш чукӧр дзикӧдз чердӧ
И ышловзьӧмӧн петас эрдӧ
Мез перйысь йӧзлӧн кыпыд глас.

* Хелиос Годец—томиник маляр. Куш кияснас босьтӱс Каталонияса площадь вылын мятежникъяс штаб-квартира дорысь медводдза пулемӧт.

ОЗ МУРГЫ ГЫМ...

Оз мургы гым, оз чардби сывкйы югөр,
Оз енэж вывсянь ушатысь моз зэр,—
Зверь этшён локтысь подлөй бандит чукөр
Йёз муё кёдзё снаряжьяслысь шер.

Быд бокин би. Дзонь сиктъяс, быдса карьяс
Тшын йылё кайёны пыр лун и вой.
Йёз вёля вылё усьласьысь варварьяс
Став мир син водзын нуёны рёзбой.

Сюрс лыдён усьё верстьё йёз и пёрысь
И враг ки помысь челядь босьтё дой.
Му вылысь, лудысь, сиктысь и кар шёрысь,—
Быд бокрысь аддзан уна лыда шой.

Оз Янцзы ю сёдз васё ассьыс кылёд,
И Хуанхе оз лёзён рёмав чир,—
Китайскöй паськыд ыбьяс, сёнъяс вылысь
Сэт мирнöй йёзлөн визувтё пöсь вир.

Но хищнöй зверлөн сьёлём эз на бурмы,—
Пыр водзё содтё пушка, самолёт,

Оз эскы гад, мый став йӧзсӧ не пурны,
Мый медся ыджыд выныс эм народ.

Шанхай, Шанси, провинцияс налӧн,
Кантон, Шаньдунь и дзоньнас став Китай
Ас киясас ӧружье босьтис талун,
Мед дорйыны, мед видзны ассьыс край.

Мед кучкыны токийскӧй зверьяс кузя
И шыбытны ва сайӧ найӧс бӧр,
Мед мисьтӧм мӧвпыс дзикӧдз юрсьыс усьӧ,
Мед дзикӧдз вунӧ йӧзлысь тальны йӧр.

Китайскӧй йӧз оз первойӧдысь дорйысь;
Збойлун, отвага тырмӧ сылӧн пыр.
И кортӧм гӧстьӧн став лӧк вӧчӧм торйысь
Сям тырмас сылӧн водзӧс босьтны тыр.

И мирнӧй йӧзлысь кисьтӧм уна вирысь,
И сысь, мый сэн сиктьяс лои—рӧв,
И челядьяслысь мырддӧм быд нянь чирысь
Токийскӧй банда мынтысяс даспӧв.

МЕМ ДОЛЫД

Некод оз төд
Ни оз помнит,
Кымын во олõ мушар,
Меным жõ
Кызь кыкõд тыри,
Кызь кыкõд воськовтис ар.

Мыйлакõ
Чеччалõ сьõлõм,
Бытьõкõ ворсõ кадриль,
Мыгõрõй оз төдлы чõлõм,
Мыгõрõй визув и зиль.
Мыйлакõ
Казьтивсьõ важыс;
Юрвемын быдсикас дум,
И ставсьыс мем долыд и гажа
И вõзйысьõ сёрни и нюм.

Эзысь кодзула вой!
Пожõма вõрõй!

Ме вöлі сöмын певнöш
И тiянкöд тöдса нин вöлі.
Муса, зарниа чой,
Сьöлöмöй·шöрöй!
Ми тэкöд уна во чöж
Öтлаын вöлим.

Асьным ми пармаын чужлим,
Дзолясянь вöдитлим чер:
Сийöн и пöрöдны кужлим
Уна сюрс кер.
Асьным ми пармаын чужлим,
Тöдлим ми агас и гөр.
Быд уджсö дзолясянь кужлим,—
Кырым эз дзёр.

„Югөр“ нима колхоз!—
Нимкодьöй менам,—
Быдтiн тэ миянöс тшöтш;
Унаöс сувтöдiн радö.
Уджын ордйысигмоз,
Став лёксö венам.
Öтувъя удж вылас ми
Öткодя радöсь.

Рытгорув сиктын
Гажöдчам керам.
Рытгорув сикт пасьта
Юралö серам.

Рытгорув том войтыр
Некымын дасөн
Кыпыда горёдам
Выль нога гласён:

„Озыръясёс шогёдіс,—
Быри бор, быри бор.
Муыс ставнас колхозлөн,
Пом ни дор, пом ни дор.
Ордйысьёмён колхозын
Уджалам, уджалам;
Воас тайё во вылын
Урожай, урожай“.

Тадзи со уджавлім,
Гажёдчим,—
Тёдлім, дерт, кёдзыд и жар,
Өні жё—кызь кыкёд меным,
Кызь кыкёд воськовтіс ар.
Ачымёс зумыда кыла,
Вынійөрёй, мускулёй ён.
Любёла вомтырён сыла,
Бөрйёдла мичаджык тон.

Армия!
Со кытчё мёда,
Со мыйла радлунён тыр.
И лоа, дерт, сэтён,

Ме тōда,—
Меткōя
Лыйсьысьōн пыр.
Армия!
Со кытчō мōда,—
Код кутō чорыда мир.
И лоас, дерт, меысь,
Ме тōда,—
Гōрд командир.

„Югōр“ нима колхоз!
Муна ме, граница кōнi,
Но татчō ме воа на бōр,
Винтовкаōн вежла ме ōнi
Колхознōй выль гōр.

Муса, зарниа чой!
Тэ гижны мем кутан:
Кызди оланнуд,
Кызди муно удж,
И во помнас
Меным, дерт, чуйдан,
Босьтан тэ кымын лунудж;
Кыздикōн ордйысяд сәни,
Уна-ō лэдзанныд вōр,
Кутшōма вōдитны кутад
Пуктысян йōр,
И быдторсō, быдторсō гижан
Мем, сьōлōмшōр.

Тіян вьльторъяс,
Вермёмъяс вьлө
Сьёлөмсянь радуйтчигтыр,
Өтветъяс ыставны кута
Вочасөн пыр.
А талун, кыз аддзан,
Ме тан на,
Ті дорын, зарниа ныв.
Вайө жө нөшта ми панлам
Вьль сыланкыв.

КЫК СЕРАМ

Ме водзын саридз,
А саридзыс лѡнь.
Ме весьтын шонді,
А югѡрыс уна.
Кок улын лайкъялѡ
Дзордзалан дѡнь, *)
Бархатѡн рѡмасиг
Кыптѡ и сунѡ.

Ме бокын раина, —**))
Синнад он судз;
Вашкѡдѡ меным,
А сѣрниыс мелі;
Тувсовъя паськѡмыс
Нѣриник, нюдз,
Лапъялан кияссѡ
Нюжѡдѡ мелань.

*) Турун ним.

**) Тополь пу.

Ме водзын увтасын
Камышъяс эм;
Берегдор ньӧзь пиын
Уткаяс тырыс.
И пуыс и саридзыс
Кажитчӧ мем,
И уткалӧн герчкӧмыс
Сьӧлӧмӧ пырис.

Чужӧмӧ меным
Ыркнитіс тӧв,
И тэрыба котӧртіс
Камышъяс пӧлӧн.
Видзӧді, нюмъялі
Ланьтӧмӧн чӧв,
И кылі друг шысӧ
Уклада вӧвлысь.

Бергӧдчи сыланьӧ, —
Сійӧ и эм;
Сьӧд мусӧ вольсалиг
Меланьӧ локтӧ.
Нюммуні, мӧвпышти,
Мый шуны мем,
Но мӧвпъясӧс сійӧ,
Вевъяліс торкны.

Пукаланінсьыс
Чеччыштис ныв,

Гырысь лөз синъяснае
Видзөдліс ёся.
Эз висьтав сійö
Ни öти кыв.
Сöмын и сытöг
Казявны позис.

Тывйышти синъясөн
Сьöд саридз весьт,
Код вылö кырымнас
Нывка мем индіс.
И шуштöмöс серпассö
Аддзи ме сэсь,
Йирмөгөн юковтіс
Морöсöй дінті.

Горизонт сайсянь
Труньтитіс тшын,
Кыпöдчис бытьöкö
Гым-чарда кымör,
И сэтысянь кыліс мем
Гольскöдчöм шы,
И сьөлöмöс топöдіс
Гажтöмик шымыр.

Муса винтовкаöс
Кырымөн ме
Топыда кабырті,—
Нолытö торйöд!

Горизонт сайсянь
Враг грөзитчө мед,
Горизонт таласө
Чорыда дорья!

Бергөдчи бара,
Көн вөлі ныв,
Сувтыштліс кытчө
Уклада вөлөн,
Но асьсө эг аддзы,
Ни шысө эг кыв—
Важөн нин мунөма
Бөрөзда пөлөн.

Сэтшөм жө саридз
Волькьяліс лөнь,
Сэтшөм жө яра
Дзирдаліс шонді,
Но ме вылын нюмьялөм
Эз нин вөв скөнь,
Серавны сэсса
Эг нин ме понды.

Сулала. Видза ме
Граница дор.
Кор-сюрө ветлөдла
Участок кузя.
Пельясөй кылөны
Быд төврутор,

Синъясöй быдторсö
Аддзöны сюся.

Со, төвруөн кыпöдöм,
Солькмуні гы.
И пырысь пыр гөгөрбок
Важ мозыс чöліс.
Но сэні жö кылыштіс
Кутшöмкö шы,
А матыстчан шыыс
Тöдса мем вöлі.

Бергöдчи сыланьö—
Öнтая ныв.
Сійö жö местаас
Сувтöдіс вöвсö,
Эз висьтав бара
Ни öти кыв,
Сулаліс, ме вылö
Видзöдіс чöвсөн.

Вочасөн вомдорас
Чукöртчис нюм.
Друг сэсся серöктіс
Азыма, гора.
Том нывка серамлысь
Йöлöга шум
Паськыда паськöдіс
Волькъялан море.

Серамлы воча
Нач кыв ни джын,
Эг висьтав нывлы
Весигтö нинöм.
Видзöдлi нöшта,
Көн вöли тшын,
И топыда кабыртi
Ружьеöс кинам.

Том нывка пуксис
Вöв вылас бөр.
Любуйтчим кыкнаным:
Сийö да ме да.
И тракнитiс вöлыс
Вит орчча гөр,
А тракторыс сьылис
Ыджыд победа.

Серав жö, нывка!
Тракторöй, сьыв!
Тiянöс некор
И некод оз торйöд!
Тiянлы ассянь
Сета ме кыв:
—Горизонт таласö
Чорыда дорья!



ВОЙСЯ ТЫШ

Ме вöлі узя
Лунся поход бöрын
И аслыс сяма
Тешкодъ аддза вöт,
Кыз быттьö öтнам
Сулала ме вöрын,
А вöрыс ас
И некызди ог тöд.

А пуяс веськыд,
Листьяс ставыс мича.
Вөр шөрöд сёльгö
Синва кодъ сöдз ю.
А прöсек кузя
Котöртö граница,
И бердас визя
Сулалö сэн пу.

Ме кыин ружье,
Мöд кыин гравата

Ме вежтас вылысь
Син ог лэдзлы сутш.
И сэссия кыла:
Прөсек дорын матын
Друг вöрыс ловзис,
Пуяс ратш да рутш.

Ме дзорга сэтчö,
Листа пуяс костлань.
И чуйми быдөн,—
Аддзö менам син:
Яр вöлөн зіля
Локтö менам постлань
Оз кодкö—
Ачыс генеральскöй чин.

Сы пельпом вылын
Зарниа погоньяс.
Вöв вылын свита
Рөттö сылөн тыр,
Зэв ставныс ёнöсь
Ошйöм уска зоньяс,
И чужöм вылö
Нюм налы оз пыр.

Со генералыс
Босьтö менö кытшö,
И равзö гора:
„Взять его живьем!“

А сълөн свита
Топодё и мыджё,
Нин кёнкё аддзё
Менсьым олём пом.

Но, часлы, чайта,
Гырдемём вёрөг пиян,
Сідз радуйтчыныд
Зэв на буди водз.
Ті он на тёдй,
Кутшём йёзыс миян,
А босьтны збыль кё,—
Повзьысь миян шоч.

И пищаль ассьым
Синъяс весьтё лэпти
Да кёдзны мёді,
Усьлө кызди шер.
И аддза тшын пыр:
Менё кытшём чептысь
Сук вёрлань уна-н
Котёртісны бёр.

Но сыысь уна н
Куйлісны луд шёрын.
Нин ётнас коли
Еджыд генерал.
Час, энлы, „другё“,
Дыр-ё тані дзёран,

Ме тэныд сідз жө
Инда „пир да бал“.

И лыйи өтчыд—
Ставнас качліс вылө,
И лыйи мөдысь—
Уси сійө пласът.
И шуи гора:
Миян вежтас вылын
Тэд татшөм козин
Пыр на вөлі дась.

МЕ СЭН

Ме сэн,
Көн скөрысь бузгө море,
И помся нөйтчө гырысь вал,
Көн, ушат помысь зэрөм сорөн,
Ён шумөн муно ыджыд шквал;

Көн уткапи моз караб сунө
И мач моз вылө кыптө бөр,
Көн поводдяыс вывті скөр,
Көн кадыс олө арся лунөн.

Ме сэні ветла лунын, войын
И сімсьөд кымөр оз мем дзуг;
Өд нимөй менам красной воин
И сьöрын выйим пищаль-друг.

Мед водзын муыс няйтла кизьөр,
Мед поводдяыс турөб, лёк,
Но меным индөм тайө визьөд
Оз тувчы весиг öти кок.

Ме то́да, пель менам оз ылд,́
Оз поряв некор менам син;
Быд кадд аддза ме и кыла,
Визь дорд шойто-ветло кин. *)

И лыйны меткья ме кужа,
Оз повзюд мено немся гроз;
Недаром ыстис тайо уджас
Ас чужан муысь шуда йоз.

И медым скорысь бузгас море,
Мед гыяс костын мунас вен,
Но коді суйсьо вежтас дорд,—
Мед то́дас—ачым лоа сэн!

*) Коді.

ГӖСТЫН

Армияысь чужанінас
Воис сійӧ дона гӖстьӧн.
Мамыс нимкодясьӧ пинас,
Нимкодясьӧ оз ӧд прӧста;
 Пиыс пасьтасьӧма мича,
 Пиыс сӕрни вылас варов,
 Сямӧн вочакывсӧ видзӧ,
 Кыззи быттьӧ ыджыд карын.
Тӧдчӧ, чеччыштӧма водзӧ;
Тшӧтш и туша сылӧн статья.
Небось, колхозникъяс водзын
Нырнас сійӧ оз усь няйтӧ.
 Кыз нӧ сӕсса абу любӧ?
 Кыз нӧ пи вылӧ он радлы?
 Татшӧм саяд, небось, любӧй
 Мунас нывка, мунас радліг!
Дерт, ся вевгтысьӧма пызан
Кыззи празник дырйи тӧлын,
Дерт, ся гӧститӧдас писӧ
Чӧскыд шаньгаӧн да йӧлӧн.

Но, а нывъяс, найӧ—садын,
Найӧ сёрнитисны сідзи:

— Аттӧ кутшӧм сійӧ лада!

— Аттӧ кутшӧм сійӧ мича!

Керка пытшкӧсын нӧ мамыс

Гӧстькӧд варовитӧ ёна:

— Миян со кыз олам тани,

Ӧні быдтор майбыр уна.

Тиян, кӧнкӧ, абу тадзи?

Сэні мӧд сикасӧн олад?

Висьтав, пиӧ, висьтав ачyd,—

Гортын лӧсьыдджык ӧд овныд?

— Гортад олӧмыс, мам, лада;

Мунтӧ, шаньгаясыд кутшӧм.

Кольччи овны эськӧ татӧн,

Сӧмын... Армияын луттшӧ!

Кыззи велӧдчам ми сэні!

Кыззи винтовкаысь лыйсям!

Эськӧ видзӧдлыны тэныд,

Олӧм армияын мыйся!

Эськӧ аддзылін кӧ—гызин,

Миян кутшӧм вӧлі парад:

Уна войска визьӧн-визьӧн

Муніс сьылгтырйи карӧд.

Водзын гӧгыльтчисны танкъяс,

Сэсса помтӧг люзьгис вӧла,

Пехотинцы—шуйга флангын,

Аттӧ гажа кутшӧм вӧлі!

Сэсса нөшта колө шуны:
Миян взводным кыз ударной,
Тайө ыджыд праздник луно
Получитис благодарность.

Тадзи сёрнитисны воча
Эня-пия пызан сайын.
Мамыс сёрни мозыс вочас
Писө гөститөдис чайон.

Но, а нывъяс, найө—сайдьын,
Найө сёрнитисны сидзи:

— Аттө кутшөм сийө лада!

— Аттө кутшөм сийө мича!

Да и сийө колө шуны,
Гөстыс вежөра и төлка.
Ачыс немтор өд оз вунөд,
Быдтор варовитө төлкөн.

Сылөн юасяныс уна:

Кызди уджыс мунис сплавын?

Коллективын кызди муно?

Кутшөм вежсьөмъяс эм таво?

— Элясьнысө, пийө, нинөм,
Уджаламө огө слаба.

Со тай аддзан аслад синмөн,—
Олам вывти бура, слабог.

Вылысь войнаыд оз ло кө,

Олим эськө шынитөлөн.

Сөмын буржуйыд пө нокө,

Миян вылө бара көлө.

— Война йывсьыд, мамõ, вернõ,
Сёрни оз позь шуны лõжõн.
Буржуй уськõдчыны вермас,
Вынсõ сийõ быдлун чõжõ.

Да и мян, тõдас медым,
Вынным абу жõ нин дзõля!

Тэ нõ чайтан сідз и сетам
Батьяс вирõн перйõм вõля?

Абу нин ми сэтшõм жебõсь.

Ёна повны сідзкõ нинõм.

Ачыд тõдан, любõй крепость

Сталин ёрткõд миõ синам!

Ачыд аддзан—олõм кисьмõ,

Сийõ мян долыд, шуда.

Ми мõй сетам сийõс кисьтны?

Ог мõй помõдз сийõс кутõй?

Тадзи варовитис пиыс

Аслас мамкõд гажа жырийн.

Мамыс нимкодясис сийõн,

Йõлõн гõститõдигтырйи.

Но, а нывъяс, найõ—сайдйин,

Найõ сёрнитисны сідзи:

— Аттõ кутшõм сийõ лада!

— Аттõ кутшõм сийõ мича!

ПЛЕТЕНЬ ДОРЫН

Чарла джынъя тӧлысь кывтӧ,
Жӧлӧб вылӧ нӧрӧ.
Петіс улич вылӧ нывка,
Петіс плетень дорӧ.

Чӧскыд дукӧн, льӧм роз кӧрӧн
Тувсов рытыс ӧвтӧ.
Кӧнкӧ ылын, ю сай вӧрын
Йӧлӧга шы лӧвтӧ.

Лӧсьыд рытъя сынӧд вылын,
Садъя плетень дорын;
Лӧсьыд мича нывлы сывны
Мелі, кыпыд горӧн.

„Ылын, ылын вежтас дінын
Менам муса ӧртӧй.
Регыд локтас чужанінас—
Тӧдса нывка ордӧ.

Сӧки нӧшта сьӧлӧм гажмас,
Кодыр серам сорӧн

Быд рыт локны кутам важ моз
Садъя плетень дорѳ.

Сійѳ чуйдас, кутшѳм сюся
Видзис вежтас эрдѳс.
Сэсся надзѳн, быттьѳ гусьѳн,
Кутлас морѳс бердас.

Сэки окышта ме сійѳс,
Кутыштла сой бордѳн.
Босьтас сійѳ менсьым киѳс,
Шуас муса ёртѳн“.

Чарла тѳлысь жѳлѳб вывсьыс
Керка сайѳ нѳрис.
Нывлѳн сѳдза сьылѳм сьывсис,
Мелі гѳлѳс ори.

Мѳдлапѳлын ланьтис йѳла,
Нерсьѳм сылѳн быри.
Плетень дорысь шынитѳла
Нывка гортас пырис.

ЛУНЫС КОЛИ ВАЖӢН

Луныс коли важӢн,
Шондї лэччис улӢ,
Бара воис рытъя ворсан кад.
Ывла вылын гажа,
Ывла вылын тулыс,
Ывла вылын гӢгӢр быдмӢ сад.

Мелїа и гора
ГудӢк ворсӢм кылӢ.
ГудӢк бӢрся сыла ачым ме.
Тэно, нывка, кора,
Петав улич вылӢ,
МекӢд, муса нылӢй, йӢктышт тэ.

Эг аддзылӢй кор нин
ТэкӢд мӢда-мӢдӢс;
ВажӢн тэысь бырӢма нин гаж.
Уна выйим сӢрни,
Вильтор уна тӢдам,
Висьталам ми ставсӢ: виль и важ.

Со и петіс сійѳ, —
Нывка менам муса,
Сьѳлѳм аслам муніс быдѳн лич.
Чужѳм ѳзійѳ биѳн,
Нюмыс оз и кусав:
Важ дорысь на унджык сьлѳн мич.

Видза олан, дона!
Видза олан, зарни!
Сет вай ѳдйѳ ассьыд меным ки!
Виччысьѳмыд ѳна
Кольѳмвося ар нин, —
ѳні бара ѳтлаынѳсь ми.

Менам ворсѳм шыѳ
Горѳдлы вай сьывны,
Юрѳбтылас медым гажа сад.
Тэнсьыд гѳлѳс шытѳ
Любѳ меным кывны,
Орчѳн тѳкѳд лоны меным рад.

АДДЗЫСЬӨМ

Лөзов енэжсянь
Сералис шонди,
Сявкйис му вылын
Вералан луч.
Кежи ыб вылө
Векньыдик сёнти,
Кытысь му пластсө
Синнад он судз.

Петысь öзимыс
Вөччөма шөвкө.
Вижө пасьтасьысь
Том кызпу вөр
Гусьөн шөпкөдчис
Вильшасьысь төвкөд,
Коді воліс
И котөртліс бөр.

Раскын лэбачлысь
Тувсовъя сьылөм

Йола паськӧдіс
Став мувыв тыр.
Водзын тракторлӧн
Жургӧм шы кылс,
Сэсса меланьӧ
Матыстчис пыр.

Рульнас веськӧдліс
Мелі да ласков
Нывка томиник, —
Нюмыс оз кус.
Мусӧ вольсалис
Мичаа, пластӧн.
Сійӧ гӧр улысь
Кайыштіс бус.

Дзорги сы вылӧ,
Ӧвтышті киӧн.
Шуи мелиа:
—Шуда тэд удж!
Мыйла нюмъялан?
Бергӧдчис сійӧ,
Ӧти здук кежлӧ
Сувтыштліс сутш.

—Волы гожӧмнас
Му вылас татчӧ,
Кежав вундігӧн,
Кор воас ар;

Сэки тѳдмалан,
Сэки и аддзан...
Водэлань вороньс
Воськовтис яр.

Дыр на видзѳдi
Том нывка бѳрысь.
Сiйѳ вынiѳрлы
Шензи ме дыр.
Эз нин бергѳдчыв,
Ылыстчис гѳрысь,
Сэсся вочасѳн
Саялi пыр.

* *
*

Лэбисны луньяс
Юсьяс моз зiля.
Шондiыс петѳ
Ёна нин сѳр.
Том кызпу раскын
Ыркыд тѳв тiльѳ—
Нетшкѳ да нѳбалѳ.
Ыргѳн кодь кор.

Мѳдѳдчи му вылѳ,
Тулыснас кѳнi
Томиник нывка
Новлѳдлiс гѳр.

Мөвпала аслым:
Тодас-ө өні?
Оз-ө ло мунны
Аддзысьтөг бөр?

Рас сайсянь петі,
Веськыда дзорга,
Водөма кытчө
Отувья му.
Неылын мясянь
Машина торгө,
Вундө и вартө
Зарниа сю.

Гырысь шеп сунлө
От-мөдар вожө
(Казялі нывлысь
Тулысья нюм);
Машина бөрся
Которта чожа.
Юрвемө кыптө
Мичаник дум.

— Видза, том ёртөй!
Төдін-ө менө?
Том нывка меланьө
Бергөдіс юр,
Видзөдліс нюмөн.
— Виччыси тэнө.

Мый шуан өні?
Кывйой эз сюр.

Сьокыд дагырысь
Копрасис шептыс.
Вөрөкас няныс
Певпом кодь нач.
Ме вылө сійө
Синъяссө лэптіс,
Гажаа нюммуніс,
Серөктіс надз.

Рытъя нин кадыс,
Саяліс шонді,
Ывлаыс рөмдө
Вочасөн пыр.
Нывкакөд кыкөн
Восьлалам сёнті,
Сёрнитам сыкөд
Нюмъялігтыр.

КАЗЬТЫЛӨМ

Бара войтөв
Шувгө тані яр,
Пуяс вылысь
Ыргөн корсө тілиг;
Бара татчө
Букыд воис ар,
Муяс вылын
Бара лои нильөг.

Рытъя дорын
Бөрддзөм өшинь пыр
Дзорга өтнам
Паськыд муяс вылө,
Чизыр төвлысь
Кывза помтөг сьылөм,
Юрын мөвпъяс
Чукъясьоны тыр.

Синъяс водзын
Челядь дырся кад,

Ылө кольөм
Гажтөм серпасторъяс:
Тадз жө зэрө,
Шувгө пипу сад,
Тадз жө төлыс
Нетшкө ыргөн коръяс.

Шуштөм ывла,
Керка гажтөм, чөв.
Менам вокөй
Мешөк аслыс көртө,
Дінас мамө
Ньөжйөникөн бөрдө,
Чышкөд торйыс
Вөчө волыс көв.

Батьө зумыш,
Чойлөн гөлөс нор.
Быдөн воклы
Шуда ветлөм сиб.
Весиг пөчө,
Синва чышкигсор,
Мыйкө пунктө
Сылы питшөг пиас.

Кытчө вокөй
Мунө рытъя дор?
Мыйла мамө

Мешөк волыс вурө?
Мыйла сылөн
Синва сідзи тюрө?
Гортө вокдй
Бөрсө воас кор?—

Эг на төдны
Нинөм сэки куж,
Сөмын дзорги
Штыка пищаль вылө,
Сэсса көмтөг,
Дөрөм кежысь куш
Улич шөрын
Кутлі воклысь сылі.

Ывла бөрдис,
Войтөв шувгис лөк.
Пельөй кыліс
Көинъяслысь шыяс;
Морөс пиын
Ветлөдлісны гыяс;
Вөлі фирмөг,
Личкис курыд шөг.

...Вөт кодь луньяс
Гөгыльтчисны пыр,
Өта-мөдсө
Төрмасьөмөн вежиг.

Енэж вылысь
Ньӧжийӧ лэччигтыр
Еджыд лымйыс
Мусӧ дзикӧдз эжис.

Муяс вылӧ,
Кыті муніс вок,
Унапӧв нин
Видзӧдны ме эшти,
Сӧмын некод
Еджыд лымъя эжті
Эз на вуджрась,
Бӧрлань эз на лок.

Кытӧн сійӧ,
Мыйла абу дыр?
Кутшӧм муын
Ветлӧ сьӧлӧмшӧрӧй?—
Быдлун кайтіс
Мамӧ миян пыр,
Быдӧн лыддим
Сылысь воан пӧра.

Сӧмын весяс.
Ӧтчыд рытьядор,
Кодыр шонді
Воши пуяс йылысь,
Воис гортӧ

Ылі муяс вылысь
Сьолѡм дойдан
Гажтѡм юѡртор.

Война вылын
Ранитчѡма вок,
Белѡй банда
Бытшйѡдлѡма сйѡс.
Коді тѡдас
Мыйтѡм тѡрѡ шог,
Кодыр мамлѡн
Усьѡ медбур пиыс?

Вийсис сйѡ,
Зумыш вѡлі бать,
Чойлѡн синъяс
Бѡрдѡмысла гырѡсь,
Менам пытшкѡс
Сыркакыліс мырдысь,
Уна мѡвпъяс
Кыпѡдіс юрсадь.

Мыйла абу
Ыджыд ме да ѡн,
Вына ружье
Мыйла абу кийн?
Эськѡ сэки
Тѡдліс белѡй пон,

Кодыр кути
Резны свинеч биён,

Быд вир войтысь
Водзёс эськё бөр
Белёй гадлы
Косьяс вылын мынті,
Муні повтөг
Би пышті и тшынті, —
Сы юр вылө
Лэдзны мед став скөр.

* *

*

Зэрём бёрын
Кымөр кызди руд
Енэж вылысь
Ньёжйёникён бырө,
Кызди гөгөр
Вижов бархат луд
Шонді лучён
Вералёмён тырө, —

Сідзи вежсис
Миян олан кад,
Менам муса
Вольной чужан муын,
Кёні уджыс

Визув ключон пуо,
Кони быдон
Нимкодясьо рад.


Сьолон пытшкын
Радейтана ним,
Кыдзи знамя
Нуа талун водзо,
Морос вылын
Озийо менам КИМ,
Кыдзи войын
Ломдзо югыд кодзув.

Тайо луно
Тырвийо ме дась
Любой враглы
Косьо петны воча,
Вокый пыдди
Босьтны медым водзо,
Врагос дзикодз
Жугодны мед пась!

ЮРИНДАЛЫСЬ

Кор миян весьтын	7
Сыланкыв	9
Мыда горён	11
Отчизна миян	14
Шуда му	17
Великѡй лун	20
Геройяслы	23
Оз мургы гым	25
Мем долыд	27
Кык серам	32
Войся тыш	38
Ме сэн	42
Гѡстын	44
Плетень дорын	48
Луныс коли важѡн	50
Аддзысьѡм	52
Казытылѡм	57





Доныс 2 шайт.

19139